

Գ,

ԽԱՂԲԱԿՅԱՆՑ ՆՈՐ ԻՇԽԱՆՈՒԹՅՈՒՆԸ.

Յե՛րբ թողեց Վասակ Սաչենը և վճրոնք են նոր իշխանության սահմանները:

Ըստ Մխիթար Այրիվանեցու Վասակի տեղափոխությունը կատարված պիտի լինի 1201 թվին. «Վասակ որդի Հաղբակայ և երեք որդիքն իւր՝ Պապաքն, Մկղէֆն և քաջն Պոռչ, եկեալ ի Սաչենոյ, բազում արութիւնս ցուցին յայլասեռս և բազում բարութիւնս առ ազգս քրիստոնէից»\*: Այս նույն թվականին Վարդան նշանակում է Բջնիի գրավումը, իսկ յերկու տարի հետո Դվինի, Զաքարյան յեղբայրների ձեռքով\*\*: Բջնիի արևելյան մասը կեչառվաց վանքով Սաղբակյանները սեպհականությունն եր և նույն իսկ Վասակ Սաղբակյանի սիրելի վայրը, ուր նա շինեց յուր գողտրիկ և գեղեցիկ կաթողիկէ եկեղեցին. ինչպէս Որբելյաններին շնորհվել եր Սյունիքը՝ Վորոտն ու Բարկուշատը՝ Լիպարտի ցույց տված ոժանդակության համար այդ գավառների նվաճման գործում\*\*\*, նույնը պետք է կատարված լինի և Սաղբակյանց հետ. կեչառույքը և Վայոց ձորի մի մասը վարձատրություն եր Վասակին յերկու գավառների գրավման գործակցության համար. գոնե հաստատ է այդ Վայոց ձորի նկատմամբ: Արատեսի մի արձանագրությամբ (պատկ. 3. Հավել. Ա. 3)՝ Վասակն եր նվաճել Յեղեղայց ձորի ամրոցները, իսկ ըստ Որբելյանի նաև Հրաշկարերը<sup>1</sup>. Վայոց ձորի նվաճման հետ եր կապված նաև Դվինը յուր աշխարհագրական դիրքի համեմատ: Այսպիսով յերկու հեղինակներն իրար լրացնում են և հաստատում, վոր 1201—1203 թ.թ. արդեն Վասակ Սաղբակյան գործում է յուր նոր իշխանության սահմաններում, վորպէս գործակից և ստորադրյալ Զաքարյանների:

Յե՛րբ վերջացան պատերազմական գործողությունները և յե՛րբ Վասակ կուսակալ նշանակվեց նոր իշխանության մեջ, ճիշդ տարեթիվը վորոշել չենք կարող: Արատեսի վերոյիշյալ արձանագրության համեմատ 1214 թվին նա արդեն «կողմնապահ» եր «ի Գառնոյ մինչև ի Բարգուշատ»: Կեչառույքի կաթողիկէն ել շինված է նույն թվականին, ասել է, թե Բջնիի այդ մասն ել նորան եր հանձնված արդեն: Բայց Որբելյանի մի քանի ցուցումները համաձայն կողմնապահության հաստատությունը պետք է ավելի վաղ կատարված լինի. Սյունիքը նվաճված է 1211 թվին և հանձնված Լիպարտ Որբելյանին, յերբ նա ստացել եր արդեն «զՀրաշկարերդ իւր գաւառովն եւ այլ բազում գեղօրէս ի Վայոց ձոր ...»: Մի ուրիշ արձանագրու-

թյունից յերևում է, վոր Զաքարիա սպասարը 1211 թվին Նորավանքին յետ է դարձրել Ագարակի ձոր գյուղը, ըստ Որբելյանի Լիպարտի խնդրանք\*, յերբ ուրեմն, նա տեր եր արդեն վանքին և գավառին: Արդ, Որբելյանց և Սաղբակյանց կողմնակալությունները նշանակվել են միասին Գեորգի Լաշայի և Իվանե Թարեկի կողմից, ասել է, 1203—1210 թ.թ. մեջ. «Եւ կացուցանեն թագաւորն Լաշայ և աթարեկն Իւանէ զԼիպարտն կողմնակալ այսմ աշխարհի, նմանապէս և զմիւս իշխանն, զամենօրհնեալն զՎասակ Սաչենեցի, զհայրն քրիստոսասէր և բարեպաշտ պարոնին Պոռչայ, կացուցանեն կողմնակալ ի Վայոց ձոր գաւառիս»\*\*: Այստեղ յեշտակություն չկա վոչ Թամարի և վոչ Զաքարեի մասին, ուստի և կարող է թյուրիմացության տեղիք տալ, թե 1212 թ. հետո է կատարվել այդ գործողությունը, յերբ մեռած էյին Թամարն ու Զաքարեն, սակայն այսպիսի առարկություն չի կարող հիմնավոր համարվել, քանի վոր Գեորգի Լաշան յուր մոր գահակից եր հուշակված արդեն նորա կենդանության ժամանակ, իսկ Սյունիքը, Վայոց ձորը, Բջնին Իվանի տերության և գերիշխանության յենթարկված գնվառներ էյին, ուր նա տեր ու տնօրեն եր և վոչ յեղբայրը Զաքարիան:

Վայոց ձորն ամբողջապէս Վասակի իշխանության մաս չեր կազմում. թեև Արատեսի արձանագրության մեջ (պատկ. 3. Հավել. Ա. 3) նա իրեն անվանում է «կողմնապահ ի Գառնոյ մինչև ի Բարգուշատ». այնտեղ շատ մեծ բաժին ունեյին Որբելյանք, և մասամբ Շահունեղիք, Մենեանյանք, իսկ Վայոց ձորի և Գառնիի մեջ ել, Վեդիի ակունքներում ընկած էյին Մամիկոնյանց կալվածները<sup>1</sup>: Որբելյանի տված մի տեղեկությամբ ել հաստատվում է նույնը. Վասակի վորդի Պոռչ իշխանը «ղիւր գաւառն և զգեղանսն որ ի Վայոց ձոր, կամէր յափշտակել և այլում եկեղեցւոյ ժառանգեցուցանել», այսինքն Յերնջակի վանքում նստող յեպիսկոպոսին<sup>2</sup>, վորից պարզ է, թե Վայոց ձորի մի մասը միայն նորա գավառն ու գյուղերն էյին: Տարաբաղաբար հնարավորություն չունինք մեզ հասած աղբյուրներով, արձանագրություններ և հիշատակաբաններ, վորոշել Սաղբակյանց իշխանության բովանդակ ծավալը մանրամասնություններով, այլ միայն կեղծոնները, ուր շինարարական և հողեր կյանք է ծաղկել, ընդհանուր գծերով:

Վայոց ձորում Պոռչյանց գլխավոր կեդրոնը Սրկղունյաց լեռներից բլրած վտակի հովիտն եր, Սրկղունքը

\* Հրատ. Էմինի. Մոսկվա. 1860. յեր. 65:  
\*\* Էմինի հրատ. Մոսկ. 1861. յեր. 181:  
\*\*\* Օրբ. 397: 1 Անդ. 350. Քաջաբրու-  
նի. Ար. 1888. 769: 2 Օրբ. 392:

\* Օրբ. 358:  
\*\* Անդ. 397:  
1 Христ. Восток. 1913. 227—232.  
2 Օրբ. 364: